

宜城縣志卷之四

學校志

黌序

書院

考棚

義學

有宋一代理學名臣超軼漢唐重道崇儒之報亦遠矣哉

聖朝文教昌明薄海內外學校如林宜雖蕞爾而類宮芹藻馨香遠被陶淑已無弗周矣又况書院宏樂育之澤學田裕味道之腴好義則黨庠教嚴大比則賓興典重尤為曲成不遺士生斯時可弗仰菁莪之化以儲杞梓之材歟

黌序

宜城縣志

卷四

學校志

一

宜邑黌序在縣署武廟東毓秀山南始基於宋元明

因之宣德

邑令張泰

宏治

邑令林典

嘉靖

邑令嘉祥

雷

萬厯間

邑令

張相梁雍

代有修補厯崇禎十五年燬於賊存者大成

殿而已

國朝順治九年邑令涂廷楹營建大成門修名宦鄉賢

祠於大成門南改鑿泮池於櫺星門內十四年邑

令劉祚長教諭鄒知新訓導李大年奉部檄繕修

建明倫堂居廟右今堂後尊經閣是也康熙九年

邑令牛樞教諭王國佐重修兩廡暨明倫堂十七

年邑令郭維垣復修泮池於櫺星門外二十四年

邑令胡永慶教諭李曦訓導熊若麟補葺正殿重修明倫堂懸匾額四十二年邑令艾朝宗雍正八年邑令藺濤訓導署教諭鄭可格以次繕葺大成門乾隆二十二年邑令高遴訓導黃登儉倡復尊經閣以舊明倫堂爲之而建明倫堂於閣前今堂是也重修兩廡及廟門增建忠孝節烈祠於櫺星門之左右廟之遞新遞圯因革損益蓋不一矣乾隆四十六年署令蕭鳳詔教諭彭惕訓導周璜重修正殿遷正崇聖祠於廟後存名宦鄉賢祠於廟內徙忠孝節烈祠於訓導署之東西塾餘皆補

葺其所乘除亦皆攸宜嘉慶元年匪亂避難鄉民雜沓廟中兼以病兵豢居圯弊日甚門廡祠所概無完材道光七年署令營山于鼎培銳意興舉士民忭舞樂輸甫三月簿捐緡錢四千餘舉廉能端謹首士董其役購基拓制均前後正方位開啟小東門以便工作於是殿廡祠所橋泮門牆皆整齊改觀

大成殿廣五間縱四間殿西設闈門殿前築月臺環以闈石東西廡各七間大成門五間東西設角門各一崇聖祠在廟後南向三間大成門外東廂建名

宦祠忠孝祠各三間南接省牲所一間皆西向西
廂建鄉賢祠節烈祠各三間南接更衣所一間皆
東向櫺星門石坊建四祠兩所南三門四柱按櫺
星門宏治間邑令林典始建用木萬曆元年雷令
嘉祥易以石持敬門一間建櫺星門外更衣所南
西向內泮池月橋建櫺星門南牌坊廟門建內泮
池南三門六柱聖域賢關坊建廟門外左東向禮
門義路坊建廟門外右西向一門兩柱外泮池建
廟門外兩坊門南甬壁建外泮池南內外完固稱
美備焉此則邑巒序之規制也至道光十九年邑

宜城縣志

卷四

學校志

三

令耿澶玉教諭傅士杞訓導龔斗南補修正殿咸
豐二年邑令周和祥教諭佘學性訓導羅晉瑤續
修正殿及泮池

大成殿

至聖先師木主正中南向

按唐武德時以周公爲先聖南面座孔子爲先師
西牖座貞觀二年升孔子爲先聖停祀周公而孔
子座仍其舊開元二十八年始正南面列代因之
位東奉

至聖遺像碑

按設像始於唐開元時宋以後相沿不改明嘉靖九年尋明初宋濂木主棲神之說用張孚敬議改正禮制始藏像易以木主再按邑遺像碑係唐吳道子追摹相傳昔堙卧鯉魚橋下有貴顯經此車馬不行聞絲竹聲從橋下出役衆舁起披摩驚異乃移奉

聖廟乾隆四十七年觀察陳大文省旋駐宜謁 聖瞻仰既抵署札縣欲徙供鹿門書院邑人士合詞請留署令蕭鳳詔重修

聖殿碑乃崇奉位東

宜城縣志

卷四

學校志

四

國朝康熙十四年

欽頒萬世師表額二十五年

欽頒至聖先師孔子贊並序

勒碑
廟庭

雍正三年

欽頒生民未有額

乾隆五年

欽頒與天地參額

嘉慶四年

欽頒聖集大成額

道光元年

欽頒聖協時中額

咸豐元年

欽頒德齊幃載額

同治元年

欽頒聖神天縱額

東配

復聖顏子

漢永平十五年祀孔子均祀七十二弟子顏子二位第一

以孔子為先聖顏子配饗

述聖子思子

宋大觀二年從祀端平三年升列哲位咸淳三年

西配

宜城縣志

卷四

學校志

五

宗聖曾子

唐開元三年從祀宋咸淳三年配饗

亞聖孟子

宋元豐七年配饗

以上配位宋以前皆封爵元至順元年贈顏子兗

國復聖公曾子邾國宗聖公子思子沂國述聖公

孟子鄒國亞聖公明嘉靖九年改稱復聖顏子宗

聖曾子述聖子思子亞聖孟子

國朝因之康熙二十八年

御製顏曾思孟贊並勒石廟庭

東哲

先賢閔子

唐開元八年從祀

先賢冉子從唐祀開元八年

先賢端木子年唐從開祀元八

先賢仲子從唐祀開元八年

先賢卜子祀唐貞觀八年以十年哲從經祀師從

先賢有子朝唐開隆元三年從祀哲國

西哲

先賢冉子年唐從開祀元八

先賢宰子年唐從開祀元八

先賢冉子年唐從開祀元八

先賢言子年唐從開祀元八

宜城縣志

卷四

學校志

六

先賢顓孫子咸唐開淳三元八年從祀宋

先賢朱子祐宋建炎四年生國慶元六年卒十一年十一列

哲位

以上哲位宋以前皆稱封爵明嘉靖九年改稱先

賢某子

國朝因之有子朱子升列哲位從一例

東廡先賢

先賢公孫僑左朝傳咸魯襄公八年從祀始見昭公八年卒廡

先賢林放於唐開元國二朝十七年正二祀復祀原靖西廡年擬移祀

廡東

先賢原憲七唐年開從元祀二十

先賢南宮适七唐年開從元祀二十

先賢商瞿七唐年開從元祀二十

先賢漆雕開七唐年開從元祀二十

先賢司馬耕七唐年開從元祀二十

先賢梁鱣七唐年開從元祀二十

先賢冉孺七唐年開從元祀二十

先賢伯虔七唐年開從元祀二十

先賢冉季七唐年開從元祀二十

先賢漆雕徒父七唐年開從元祀二十

宜城縣志

卷四

學校志

先賢漆雕哆七唐年開從元祀二十

先賢公西赤七唐年開從元祀二十

先賢任不齊七唐年開從元祀二十

先賢公良儒七唐年開從元祀二十

先賢公肩定七唐年開從元祀二十

先賢鄒單七唐年開從元祀二十

先賢罕父黑七唐年開從元祀二十

先賢榮旂七唐年開從元祀二十

先賢左人郢七唐年開從元祀二十

先賢鄭國七唐年開從元祀二十

先賢原亢七唐年開從元祀二十

先賢廉潔七唐年開從元祀二十

先賢叔仲會七唐年開從元祀二十

先賢公西輿如七唐年開從元祀二十

先賢邽巽七唐年開從元祀二十

先賢陳几七唐年開從元祀二十

先賢琴張七唐年開從元祀二十

先賢步叔乘七唐年開從元祀二十

先賢秦非七唐年開從元祀二十

先賢顏噲七唐年開從元祀二十

宜城縣志

卷四

學校志

八

先賢顏何九唐年開罷元二國十朝七雍年正二祀年明復祀靖

先賢縣亶二年國從朝祀雍正

先賢牧皮祀原國西朝雍正移二東庶從

先賢樂正克二年國從朝祀雍正

先賢萬章二年國從朝祀雍正

先賢周啟頤年宋五十禧七元溇年祐元熙年六年卒

先賢程顥年宋五十道四年溇年祐元豐年八年卒

先賢邵雍卒宋年大六十祥七咸溇年三熙從祀十年

西廡先賢

先賢蘧瑗定左公傳十魯四襄年公孔子四猶年主始蘧見伯卒玉年家無其考卒史後記

於公孫九
年僑蓋
祀三十
鄉餘年
國唐開
雍元二
十二年
復年祀
從原祀
東明

先賢澹臺滅明

唐開元二十七年
從祀東明

先賢宓不齊

唐開元二十七年
從祀二十

先賢公冶長

唐開元二十七年
從祀二十

先賢公皙哀

唐開元二十七年
從祀二十

先賢高柴

唐開元二十七年
從祀二十

先賢樊須

唐開元二十七年
從祀二十

先賢商澤

唐開元二十七年
從祀二十

先賢巫馬施

唐開元二十七年
從祀二十

宜城縣志

卷四

學校志

九

先賢顏辛

唐開元二十七年
從祀二十

先賢曹卹

唐開元二十七年
從祀二十

先賢公孫龍

唐開元二十七年
從祀二十

先賢秦商

唐開元二十七年
從祀二十

先賢顏高

唐開元二十七年
從祀二十

先賢壤駟赤

唐開元二十七年
從祀二十

先賢石作蜀

唐開元二十七年
從祀二十

先賢公夏首

唐開元二十七年
從祀二十

先賢后處

唐開元二十七年
從祀二十

先賢溪容箴

唐開元二十七年
從祀二十

先賢顏祖七唐年開從元祀二十

先賢句井疆七唐年開從元祀二十

先賢秦祖七唐年開從元祀二十

先賢縣成七唐年開從元祀二十

先賢公祖句茲七唐年開從元祀二十

先賢燕伋七唐年開從元祀二十

先賢樂欬七唐年開從元祀二十

先賢狄黑七唐年開從元祀二十

先賢孔忠七唐年開從元祀二十

先賢公西蒧七唐年開從元祀二十

宜城縣志

卷四

學校志

十

先賢顏之僕七唐年開從元祀二十

先賢施之常七唐年開從元祀二十

先賢申棖七唐年開從元祀二十

先賢左邱明七唐年開從元祀二十

先賢秦冉九唐年開從元祀二十

先賢公明儀七唐年開從元祀二十

先賢公都子七唐年開從元祀二十

先賢公孫丑七唐年開從元祀二十

先賢張載宋年開從元祀二十

先賢程頤宋年開從元祀二十

以上先賢位宋以前從祀者皆稱封爵明嘉靖九年改稱先賢某子周張程邵五子嘉靖時稱先儒崇禎十五年改稱先賢位在七十子之下漢唐諸儒之上

國朝俱稱先賢不稱子

東廡先儒

先儒公羊高子夏一弟子從唐貞觀

先儒伏勝秦博士一唐貞觀

先儒毛亨年無考受詩於荀卿以授毛萇按史記楚

三十二年太平御覽引毛詩正義云荀卿授漢人魯國毛亨則是秦漢問人詩國朝同治二年授從祀人

宜城縣志

卷四 學校志

先儒孔安國漢武帝時為博士侍中唐貞觀二

先儒后蒼漢宣帝九年為博士

先儒鄭康成漢永建二年生建安五年卒嘉靖九年十月四

復祀於鄉西廡朝雍正二年

先儒范甯晉咸康五年生隆安五年卒九年六月改祀於唐

祀鄉西廡朝雍正二年復

先儒陸贄唐天寶十三年生永貞元年卒

先儒范仲淹宋端拱二年生熙祐四年卒從祀

先儒歐陽修宋景德六年生熙寧五年卒

先儒司馬光宋天禧三年生元祐元年卒移東廡

先儒謝良佐宋元程門八年先進士生國卒朝道無光考二與十楊九時

祀年從

先儒羅從彥宋熙寧四年明生萬生四興十二年卒

先儒李綱宋豐六年生紹興十年卒移東廡八

先儒張栻宋景興二年生從淳熙七年卒移東廡十

先儒陸九淵宋嘉興九年生從紹熙三年卒移東廡十四

先儒陳淳宋紹興二十三年生從嘉定十年卒

先儒真德秀宋淳熙五年生從端平二年卒移東廡十八

先儒何基宋淳熙五年生從咸淳四年卒移東廡一

先儒文天祥宋端平三年五月二朝日生光元至三十年九

宜城縣志

卷四 學校志

從祀原西廡

先儒趙復元卒年無首考以國朝雍正二年卒從北庭當

先儒金履祥宋紹定五年生從德祐七年卒移東廡七

廡東

先儒陳澹宋景定二年生從正原西廡卒移東廡一

先儒方孝孺元至正十七年生同治二年卒

先儒薛瑄明洪武二十五年生從天順八年卒移東廡七

先儒胡居仁明宣德九年生從成化二年卒

先儒羅欽順明成化十三年生從嘉靖二十六年卒

先儒呂柟明成化十年生從嘉靖二十六年卒移東廡六

廡東

先儒劉宗周

明十六年八月十六日生
國朝順治二年卒

廡

先儒孫奇逢

明萬曆十二年八月八日生
國朝康熙四十年卒

廡移東

先儒陸隴其

明崇禎十三年正月二日生
國朝康熙三十四年卒

廡移東

西廡先儒

先儒穀梁赤

夏一弟子
唐貞觀二十一年卒

先儒高堂生

秦末漢初人
唐貞觀二十一年卒

宜城縣志

卷四

學校志

十三

先儒董仲舒

漢武帝初年對策
為江都相元至順元年卒

先儒毛萇

漢河間獻王博士
當武帝時卒

先儒杜子春

漢永平初年
東漢九十年卒

先儒諸葛亮

漢光武四年正月二日生
建興十二年卒

廡西

先儒王通

陳至德二年生
隋義寧二年卒

廡移東

先儒韓愈

唐大曆三年生
長慶三年卒

先儒胡瑗

宋淳化四年生
嘉祐四年卒

先儒韓琦

宋大中祥符元年生
熙寧八年卒

廡

先儒楊時明宋宏皇治祐八年生從生祀紹興五年卒移西廡十三

先儒尹焞七宋熙二年甯四年國朝生紹正興二十年卒祀卒年

先儒胡安國年宋熙六年甯十年五年明生紹統二年興八年從生祀卒年

先儒李侗萬宋歷元祐四十八年生隆從生興元東廡卒年移西廡一明

先儒呂祖謙五宋景紹定二七年生淳祀原熙八廡卒移西廡十

先儒黃榦卒宋紹興七十二年國朝生嘉正定二年卒祀年

先儒蔡沈明宋正統道二三年從生紹原定三廡卒移西廡十四

先儒魏了翁國宋淳熙正五年生從嘉祀熙元東廡卒年移西廡

先儒王柏國宋慶元正三年生從咸祀淳原于東廡卒年移西廡八

宜城縣志

卷四

學校志

十四

先儒陸秀夫元宋至端平十三年卒八月四日生祥興二年即

從豐祀九年

先儒許衡卒宋嘉定七十二年生皇慶二年從祀八年

先儒吳澄明宋正淳祐八年生從祀元統九年罷卒年國朝十乾五

東隆廡二年移復西廡原

先儒許謙元國至朝元雍七年正二生後至祀元三年卒年移西廡八

先儒曹端國明朝洪武九十年生從宣祀德原九年卒年移西廡九

先儒陳獻章年明宣七年德三年萬生歷十年治三年從祀卒年

先儒蔡清五明景泰四年國朝生正德二年卒祀年

先儒王守仁萬明歷成化二八年生從嘉祀原靖東廡卒移西廡十七

先儒呂坤

明嘉靖三十五年國朝生道光六年卒

先儒黃道周

明萬曆三十三年國朝順治三年卒

西廡

先儒湯斌

明天啟七年生國朝康熙二十六年卒

廡

以上先儒位明嘉靖以前從祀者皆稱封爵嘉靖

九年改稱先儒某子

國朝稱先儒不稱子

崇聖祠正位

肇聖王木金父公

宜城縣志

卷四

學校志

十五

裕聖王祈父公

詒聖王防叔公

昌聖王伯夏公

啟聖王叔梁公

以上正位明嘉靖九年於

大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠為

崇聖祠

東配

先賢孔氏孟皮七年國朝配饗咸豐

先賢顏氏從名無縣唐靖開元二年配饗七年

先賢孔氏祀名明鯉宋嘉靖咸淳三年配饗從

西配

先賢曾氏從名哲明唐嘉靖元九年十配七年

先賢孟孫氏九各激配明嘉靖

東廡先儒

先儒周氏歷名輔成三年無考祀明萬

先儒程氏卒名珦宋景德明三年生元祐從祀年

先儒蔡氏卒名元定宋紹興五年生慶元四年

宜城縣志

卷四 學校志

西廡先儒

先儒張氏朝名迪雍正二年無考從祀國

先儒朱氏卒名松宋紹聖四年生紹興十三年

以上先賢先儒位明嘉靖時稱先賢某氏先儒某

氏

國朝因之

至聖位前祭品

帛一 白色

牛一

羊一

豕一

登一 大羹

鉶二 和羹

簋二 黍稷

簠二 稻粱

籩十 形 棗 藁 魚 黑 榛 餅 芡 鹿 脯 白 菱 餅

棗 藁 魚

黑 榛 餅

芡 鹿 脯

白 菱 餅

豆十筍韭菹菹 芹菹芹菹 兔醢魚兔醢 菁菹脾菁折菹 鹿胎醢

酒罇一 爵三白磁

四配前祭品

帛一白色 豕一 羊一 鉶一

簠二 簋二 籩八白減餅黑餅 豆八折減豚脾

酒罇一

東西哲祭品

帛一白色 豕一 鉶名一 簠各一

簋各一 籩各四栗形鹽 鹿脯棗鹿脯 豆各四

鹿芹醢菹 豕首一 酒罇一

宜城縣志

卷四學校志

十七

東西廡祭品

帛一 豕三 簠各一 簋各一

籩各四 豆各四上見 酒罇一

祝辭曰惟

先師德隆千聖道冠百王揭日月以常行自生民所未

有屬

文教昌明之會正禮節樂和之時辟雍鐘鼓咸恪薦

於馨香泮水膠庠益致嚴於籩豆茲當仲春秋祗率

彝章肅展微忱聿將祀典以

復聖顏子

宗聖曾子

述聖子思子

亞聖孟子配

釋奠禮

每歲以春秋二仲上丁日致祭先日列主祭陪祭官及諸執事人等姓名榜於學宮眡牲官公服詣宰牲所行禮巡牲一匝宰人割牲瘞血毛夜分各官以次詣殿廡祠內周省牲帛齊盛及籩豆登鉶之實祭日五鼓各官朝服齊集執事者各執其事樂舞者東西魚貫入階設庭燎各官自大成門左側

宜城縣志

卷四

學校志

十八

門入至階東詣盥洗所盥洗各詣拜位前立啓大成門考鐘伐鼓迎神奏咸平之章樂章詳後知縣正獻暨四配教諭訓導分獻東西哲巡典分獻兩廡各詣神位前上香武職官陪祭均行三跪九叩禮初獻奏寧平之章詣酒尊所司尊者舉冪酌酒正獻官詣聖位前跪獻帛爵詣讀祝所讀祝復詣配位前獻帛爵分獻官詣哲位及兩廡各獻帛爵亞獻奏安平之章三獻奏景平之章禮皆如初獻正獻官詣殿中跪飲福受胙降階謝胙各官均行三跪九叩禮徹饌奏咸平之章送神亦奏咸

平之章各官均行三跪九叩禮焚祝帛望燎禮畢
崇聖祠則教諭訓導先時耑獻禮同正殿惟減飲福受

胙樂舞

樂章

迎神奏咸平之章昭一作平無舞

大哉

至聖道德尊崇維持王化斯民是宗典祀有常精純並
隆神其來格於昭聖容

初獻奏甯平之章宣一作平有舞

自生民來誰底其盛惟師神明度越前聖粢帛具

宜城縣志

卷四 學校志

十九

成禮容斯稱黍稷非馨絃神之聽

亞獻奏安平之章秩一作平有舞

大哉聖師實天生德作樂以崇時祀無斃清酤惟
馨嘉牲孔碩薦羞神明庶幾昭格

三獻奏景平之章叙一作平有舞

百王宗師生民物軌瞻之洋洋神其甯止酌彼金
罍惟清且旨登獻惟三於嘻成禮

徹饌奏咸平之章懿一作平無舞

犧牲在前豆籩在列以享以薦既芳既潔禮成樂
備人和神悅祭則受福率遵無越

送神奏咸平之章德一平作無舞望燎同
有嚴學宮四方來崇恪恭祀事威儀雝雝歆茲惟
馨神馭還復明禋斯畢咸膺百福
樂舞之節

大凡舞者在殿外臺上中階兩旁對舞六佾縱橫六
人左手執籥右手秉翟舞蹈起伏隨所歌之音以
象之祭時樂舞生前領執麾幡列於階下聽唱樂
舞生就位令依次立於殿庭奏樂之所自迎神至
送神皆奏樂章三獻則有舞以象歌釋之者曰樂
取其聲舞取其容聲出於律容出於儀聲容並至
宜城縣志
卷四學校志
二十
樂以成矣

崇聖祠祭品

帛一 羊一 豕一 鉶一

簠一 簋一 籩八 豆八

酒罇一 爵三白磁

配位祭品

帛一白色 豕首一 簠一 簋一

籩四 豆四 豕肉一 銅爵三

東 廡祭品

帛一 簠一 簋四 籩四

豆一

豕肉一

每位銅爵三

祝文曰維

王奕葉鍾祥光開聖緒盛德之後積久彌昌凡聲教所
覃敷率循源而溯本宜肅明禋之典用申守土之
忱茲屆仲春秋聿修祀事配以

先賢顏氏

先賢曾氏

先賢孔氏

先賢孟孫氏

名宦祠 祀守土之有功德者

宜城縣志

卷四

學校志

二十一

漢南郡太守王寵

隋鄆州司馬房彥謙

宋宜城令孫永

宜城令陳表臣

元宜城尹晏只奇敷武

明宜城知縣尹希文

宜城知縣陳義

宜城知縣林典

宜城知縣吳昂

宜城知縣朱崇學

宜城知縣郝廷璽

宜城知縣雷嘉祥

宜城知縣陳美

宜城教諭陸純

國朝宜城知縣王文禎

宜城知縣胡永慶

襄陽府知府多山

鄉賢祠 祀鄉士大夫之賢者

楚大夫宋玉

漢侍中王逸

宜城縣志

卷四

學校志

二十二

後漢侍中馬良

顯明亭侯向朗

將軍向寵

唐宜城伯同平章事柳渾

處士王士源

太常寺少卿段成式

宋徵士蹇溫故

明鹽運司副使鍾亮

雲南巡撫王凝

刑部右侍郎胡價

東閣大學士邱瑜

國朝保康訓導吳珍

歲貢鄉飲賓萬年慶

忠孝祠 祀邑人士之盡倫者

節烈祠 祀邑婦女之全貞者

四祠歲祭以春秋釋奠禮畢教官公服分詣致祭
祭品

羊一 豕一 籩四 豆四

酒壺一 銅爵三 白絹帛一

忠孝祠祝文惟 靈稟賦貞純躬行篤實忠誠奮發

宜城縣志

卷四

學校志

二十三

貫金石而不渝義問宣昭表鄉閭而共式祇事懋
彝倫之大性摯莪蒿克恭念天顯之親情殷棣萼
模楷咸推夫懿德

綸恩特闡其幽光祠宇維隆歲時式祀用陳尊簋來格
几筵

節烈祠祝文惟 靈純心皎潔令德柔嘉矢志完貞
全閨中之亮節竭誠致敬彰閩內之芳型茹冰蘖
而彌堅清操自勵奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊

醪

以上二祠祝文奉文 頒行名宦鄉賢各州縣所
在異辭通禮不載茲採邑舊傳祝辭錄後

名宦祠祝文惟 公等盛德大業昭垂千古不愧民

望社稷有補茲屈仲春秋合祭爾主

鄉賢祠祝文惟 公等績學力行垂範鄉里享祀廟

堂永遵 國紀茲屈仲春秋聿將祀事

明倫堂在廟右刊立學規順治九年

欽頒臥碑於天下學宮曉示生員文曰朝廷建立學校選取
生員免其丁糧厚以廩膳設學院教官以教之各衙門
官以禮相待全要養成賢才以供朝廷之用諸生皆當
宜城縣志

卷四 學校志

二十四

上報國恩下立人品所有教條開列於後

一生員之家父母賢智者子當受教父母愚魯或有
非爲者子既讀書明理當再三懇告使父母不陷
于危亡

一生員立志當學爲忠臣清官書記所載忠清事蹟
務須互相講究凡利國愛民之事更宜畱心

一生員居心忠厚正直讀書方有實用出治必作良
吏若心術邪刻讀書必無成就爲官必取禍患行
害人之事者徃徃自殺其身常宜思省

一生員不可干求官長交結勢要希圖進身若果心

地純全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰

一軍民切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉

宜城縣志

卷四

學校志

二十五

曲所作文字不許妄行刊刻違者聽提調官治罪

欽頒訓飭士子文

康熙四十一年

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有叙爾諸生幼聞庭訓長列宮牆朝夕誦讀竊無究心必也躬修實踐砥礪廉隅敦孝

順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行己多愆或蜚語流言脅制官長或隱糧包訟出入公門或唆撥奸猾欺孤凌弱或招呼朋類結社邀盟乃如之人名教不容鄉黨弗齒縱倖脫褫扑濫竊章縫返之於衷寤不愧乎况夫鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種

宜城縣志

卷四

學校志

二十六

弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反覆惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文玩愒勿傲毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省

鄉校凡學臣師長皆有司鐸之責者並宜傳齊諸生多方董勸以副朕懷否則職業弗修咎亦難追勿謂朕言之不預也爾多士尙敬聽之

欽頒訓飭士子文

乾隆十年

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末

宜城縣志

卷四

學校志

二十七

哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱

子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳

言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

領射所舊址在東廡後明令陳儀建今廢

尊經閣舊址在文廟後萬厯間邑令許纓建久廢

國朝乾隆二十二年邑令高遴倡復廟右今明倫堂後教諭署舊在明倫堂後崇禎壬午燬於賊

國朝初賃居民房乾隆間遷住西街義學大公館右嘉慶十年教諭夏懋烈重修寢堂道光十一年教諭沈開第重修門房

訓導署在明倫堂有仍明舊址乾隆二十二年訓導黃登儉修四十六年訓導周璜重新寢堂廂厨廳事

師生員額

邑學校額制教諭一員訓導一員康熙四十四年復設廩膳生員二十名增廣生員二十名歲貢生以廩生食餼次序每二歲貢一人遇

宜城縣志

卷四

學校志

二十九

覃恩加貢一人名恩貢生以次貢作正貢附學生員歲科兩試每次取十五名撥入府學無定額遇

覃恩廣額七名武生歲試額取十五名撥府學有無不等無科試

咸豐六年三院具奏湖北紳民團練出力加廣學額宜城縣文武永遠各一名自是歲始

同治三年三院續奏宜城團練捐輸銀二萬兩加廣文武學額永遠各二名自同治四年歲試始

書院

紫峯書院初號鄆郢書院在小東門內學宮左

前明社學

國初啟聖祠遺址

寢堂三間左右廂房各二間內講堂三

間東西齋房各六間外講堂三間門房三間週繚以墻門房南甬壁一座先是康熙三十六年縣令傳以新於西街大公館右創建義學九間乾隆二十二年縣令高遴增建講堂三間申詳府守陳鏗題名鄆郢書院四十六年觀察陳大文署令蕭鳳詔率縣士改遷今所以公館右原舍爲教諭署嘉慶七年邑庠生魯瑩等因帶勇堵卡截留大夥梟

宜城縣志

卷四

學校志

三十

鹽呈請府守張溶變價歸公以銀二千兩交典生息備書院師生每年束修膏火並以餘銀三百兩繕葺寢堂齋房未竟工程更名紫峯書院道光十九年重加修補至咸豐三年邑令李對揚將存款概行提用六年邑令薛元啟始勸捐錢二千串歸欸發典生息生童膏火復舊惟束修無出尚未延聘山長是年冬邑令梁照同首士楊鑑垣等將此欸當王榮光田二分以爲生童膏火之資

規條

一承當王榮光田二分原約一分印契價一千九百

串文一分印契價一千三百串文當價二千串當約存卷除納糧外每年完納稞錢二百六十串閏月加錢十八串定規先年交清存典以便逐月分發生童膏火

一每年於二月初一日入院至十一月止每課正取生員五名童生十名每名給膏火銀一兩共銀十五兩每年十課共銀一百五十兩每課生童花紅銀一兩五錢酒席銀一兩六錢共給銀三十一兩此舊章也現今酌定每課正取生員八名每名給膏火錢一串前三名賞賚花紅有差正取童生十

宜城縣志

卷四

學校志

三十一

二名每名給膏火錢八百前二名賞賚花紅有差附取生童無定額酒食糜費俱裁每年十課遇閏加一課生童各減正取二名

一書院膏火按月給發原以作育人材肄業生童曾有不許藉公提用之呈前邑令沈清鑑批云書院生息錢文係爲生童膏火之資不應指公挪用應據稟示禁可也

學田

一學田一百畝坐落安家腦田皆成熟每畝除正供錢糧外納學租銀二錢共銀二十兩原充西街義

學修脯乾隆二十二年縣令高遴府守陳鏗改義學爲鄆郢書院學租隨入至今因之

一義田一千七十四畝四分七釐五毫坐落萬楊洲田皆沙淤雍正十二年縣令藺璫詳請墾荒每畝除正供錢糧外納學租銀五分四釐共納銀五十八兩二錢一分三厘除歷年崩塌詳免租銀二十一兩四錢三分四釐實征銀三十六兩七錢七分九厘原充西街義學修脯乾隆二十二年改義學爲書院學租隨人至今因之

一學池一口在元祐觀今名護國寺後屬儒學經管今已

宜城縣志

卷四

學校志

三十二

坍連北濠

按舊縣志安家腦萬楊洲之外尙有學田八處一在桑棗園五畝一在教場東十畝一在教場南十畝一在縣東磚橋北五畝一在磚橋南四畝水冲無存存者一在大北街文廟左一在學前舊政教坊東一在北街舊驛地後各一畝五分又二段一在元祐觀後併學池一口一在新河口一義田二段一段一百畝在范家腦一段四百畝在左家灣萬曆丙子四年縣令梁雍置今左家灣四百畝荒無崩塌久未清出一祭田十七畝坐落雲水洲共五段每畝納租銀

三錢邑庠生顧其行等於康熙五十一年置付與胡焯子孫世世耕種每遇

先師誕日買備祭品祭豕二羊二其餘祭品俱與二仲同辦臨祭不得缺少

舊縣志所載學田義田祭田十餘處採訪記以爲久經廢失概從刪削第前人培植學校盛義終無容湮今雖清釐有待亦必大書持書以示不没人善之意

考棚

考棚在縣署東毓秀山至公堂三楹接簷穿堂三楹堂號棹凳共四十條月臺下東西號舍各十間號棹號凳各十八條以石爲柱間甃以磚龍門三楹至公堂後大廳三楹兩旁廂房共四間外儀門甬壁尙未營建

按邑有考棚邑士子發軔所也宜舊無考棚屆縣試則羣假几席於市相挈以入環坐於縣廨兩廊吏舍櫺風檐雨之飄搖胥役皂隸之雜闖誠非所以息紛囂而搆精思尚嚴肅而崇士體也自道光

宜城縣志

卷四

學校志

三十五

二十四年邑令蔡應桓始經營其規制未蕝事而去邑令翟奎觀繼之籌經費計體裁閱八月而奏成功於是士子得所庇蔭矣惜當日急遽告竣未能一體完善則嗣而葺之端有賴於振興文教嘉惠士林者

考費

附

黃鄧氏水旱田地八十畝塘堰五口坐落黃家棚屋一所同治五年自願充公邑侯程念邑童子試多艱於考費爰命將此田稞租作考試買卷之資原約附卷內有楊有覺當價係楊有覺捐當約亦附

義學

城內六善堂係枝江訓導魯桂元歲貢姚國搢監生
李殿元生員姚執中職員雷春融冀國定同建買
置河田二十畝典當岡田三十二畝每年共收租
錢四十三串七百文

周莊義學係文童周之鏞建捐學田三十五畝學舍
座獎賞鹽知事銜在案

赤土坡義學係職員李如蘭建捐田一百六十五畝
一分其母黃氏另捐銀一千兩錢二千一百四十
五串修建學館中堂阮芸臺由雲貴總督入京懇

宜城縣志

卷四

學校志

三十六

其處贈以八分書楹聯云爲善最樂讀書便佳中
堂杜芝農典雲南鄉試贈以匾云楚北禮宗時猶
在翰苑也湖北巡撫楊介坪亦獎以匾云紗幔培
英咸豐元年日南國入貢使臣武宅卿贈以詩云
誰知巾幗有冠紳好學風聲可勵人最貴吾心修
得善庭前桐柏引長春副使劉龍川題其壁云蛙
鳴蟬噪留餘地龍幹凰枝別有天

賓興

龔龔氏賓興館一所在城內北街瓦門屋三間瓦廂
屋二間瓦正屋三間西至街心東至廟墻南至陶

卷今將田畝段落及章程列於后

一分坐落後冲東至胡璧清南至黃西至冲北至堰

一分東至買主南至黃正書西北俱至黃正道

一分坐落黃龍坡四至俱至黃正書

一分坐落黃家棚東至買主南至黃西至黃北至楊

一分坐落東冲胡姓門首西南至買主

一分坐落王家岡東至黃南至買主西至**璠**北至**璠**

一出入賬務交學師暨首士經理倘有徇私侵蝕等弊許衆首士稟請更換

一每年佃穀八十石登倉時值年首士驗明仍存佃

宜城縣志

卷四

學校志

三六

戶處來年二月內開倉首士面稟學師作價發賣開明錢數若干請示存典不生利息該典立收字附卷不得先時擅賣以杜偷漏

一縣府試每名卷費錢一百文開考前值年首士面稟學師執收字至典取錢先交禮書五六十串頭場畢按名足數院試卷費照府試長案名數發錢至覆試終場補考諸童均自備卷費不在此例

一每縣考發錢二十串修理考棚首士及禮書經理

一科歲兩試畢衆首士面稟學師核算明晰餘錢仍存典一切公事不得挪借支用

北至廟公墻爲界

基地一段坐落新隆店東二十一弓西二十一弓北六十三弓均至大路心南至王六十三弓內瓦屋一間草屋一間井一口計地四畝

河田一段坐落柏樹灣東至龔覃一百零八弓西至路心一百零五弓半南至龔十二弓北至龔二十一弓計種五畝

河田又一段東至王龔一百四十九弓西至龔余魏一百四十八弓南至余路心五十三弓北至龔四十六弓計種十四畝

宜城縣志

卷四

學校志

三十七

河田一段坐落高家溝東至毛王龔南至覃龔西至龔魏北至路心周圍四百九十五弓計種十七畝三分

河田又一段東至毛王溝心九十弓西至毛王龔張路心八十三弓半南至張毛龔余溝心一百四十一弓北至龔覃毛王一百四十七弓計種三十三畝

河田一段坐落毛家灣東至路心六十弓西至范一百一十三弓南至塙四十弓北至溝心五十三弓計種八畝

一前縣令余思訓捐廉四百串作賓興監生皮桂華亦捐錢四百串共八百串每年每串九釐生息每年應生利八十六串四百文首士楊鑑垣雷會龍雷錚魯裔會譚耀鱗胡楚茂經理

一劉趙氏八賓興水旱田二十畝坐落趙家岡塘堰
一口草房三間東南至吳北至趙西至路

一河田一段東至路西至壕北至楊南至梅又水田一段東西南北至溝共十一畝約附卷

一張周氏入賓興田二十畝每年稞錢十二串十月交清係其子張得中承佃約附卷

范營義學議叙八品銜李培成建外捐生息錢五百串每年取息以充義學經費